



Universitätsbibliothek Paderborn

**Theses Theologicae Adversus Anti-Theses Oppositas
Nuperis Thesibus nostris Theologicis, Id Est, Articulis
Theologorum Lovaniensium Exhibitis Illustrissimo ac
Reverendissimo Domino Archiepiscopo ...**

Huygens, Gommarus

Lovanii, [1685?]

Conclusio Sexta. Patres Societatis non possunt se excusare, quo minus
toti Theologorum orbi notas faciant suas sententias.

urn:nbn:de:bvb:12-bsb10960813-4

CONCLUSIO SEXTA.

Patres Societatis non possunt se excusare, quo minus toti Theologorum orbi notas faciant suas sententias.

Si contra conventionem initam Patres Societatis detrectent: vel jam suas sententias exhibere Illustrissimo Domino Archiepiscopo, enixè rogamus, ut eas saltem Theologorum orbi manifestare non vereantur. Nos utrumque fecimus, faciant illi posterius saltem: interest enim boni communis, ut sententias suas compendiosè & clarè publicent illi, qui toto orbe Catholico Theologiam profitentur & animarum directionem.

Justissimum etiam est, ut qui tam liberè culpant doctrinam nostram, suam quoque exhibeant; quod scire licet, non solum quid hic illeve disputando propugnet; verum etiam quid ipsi communiter & quid absolute teneant: quas inquam veluti suas sententias haberi velint ab universis Theologis, ac potissimum à Sede Apostolica, cui sententias ipsorum aperte & compendiosè expressas ac subjectas esse jure, ut videtur, postulamus; sicuti nostras aperte & compendiosè expressimus, ac subjecimus prout iterum subjicimus.

Agitur utrumque non de re levioris sed maximi momenti: nimirum de bonorum operum principio, de morum regulâ, de humanarum actionum scopo sive fine, & infinitis conclusionibus practicis indè consecutariis; adeoque de doctrina, quam sive propter rei tractatæ dignitatem ac utilitatem; sive propter doctrinæ ipsius extensionem ac necessitatem palam profitendam censemus.

PERTINENS.

UBI RR. PP. iuxta primam partem contractus tradiderint suas sententias Illustrissimo Domino, liberrimum illis erit agere de illis quæ voluerunt esse præliminaria; nimis contra sententias nostras, prout ipsis placuerit, replicando iuxta secundam partem contractus, vel nos interrogando iuxta partem quartam. Ad quid ergo volunt illa præmitti ut præliminaria; nisi ut numquam tradant suas sententias?

A L I U D.

Lovaniensium sententiis sex tantum subscripterunt, nimirum illi, qui à parte altera præceteris impetuntr; si prater hos culpentur alii, rogo ut nominentur, quod possit etiam illorum subscriptio à nobis peti; prius tamen Patres Illustrissimo exhibeant suas sententias; et si à paucioribus quam sex signatas.

I I I.

Sententias nostras Illustrissimo Domino Archiepiscopo exhibitas, parati sumus in hac disputatione rursus defendere, adeoque veluti hic iterum expressas habemus.

F I N I S.